

ay parlé ce jourduy à la d. dame, et pour response, ma dit quelle lentend ainsi le faire, et aussi le roi veult quelle joysse de tous privilèges de reyne comme elle a fait du vivant de feu Roy Charles, que Dieu absolve, et à ceste cause, je vous escriptz voulontiers ce que en est, affin que vous en aduertissez Mess^{rs} de la ville. A Bloix le XVII^e fevrier.

« Mons^r de Tournon (1) vous escript touchant l'entrée de la reyne, et ne faictes point de doubte quelle entend y faire belle entrée de sa part, ainsi de la vostre faictes, *ut consuevistis*. Car nous y serons bien toust s'il plait à Dieu.

« Vendredi 28 de Fevrier 1499, etc.

« Etienne Garnier, Loys Tèze, etc.

« Assemblez pour faire préparer les choses nécessaires pour l'entrée de la Reyne.

« Mercredi 4^e de mars 1499.

« Estienne Garnier, etc.

« A esté fait marché avec Pierre Barsuralbe du priffait des toilles ; a este repassé le marché selon son contenu avec condition quil tendra, couldra et detendra et aura les toilles à sa charge pour le prix de quatre vingts dix livres, dont il en a eu vingt cinq par les mains de s^r Jehan de Bourges. Présens Jehan Archimbaud et Pierre Henry.

« Les presens consentant a l'obligation qui se fera.

« Vendredi VI mars 1499, etc.

« Estienne Garnier, etc.

« Assemblez pour continuer les asprès de la d. entrée ; et ont délibéré demain aller au lever du roy, luy faire la reverance et obeysance acoustumée ; et pour prêter le langage, ont esleu led. Estienne Garnier, et pour présenter

(1) Jacques I^{er} du nom, seigneur de Tournon, chambellan du roi Charles VIII et de la reine Anne de Bretagne, père du cardinal de Tournon, archevêque de Lyon. Ce fut lui qui écrivit la lettre ci-dessus.